

Davart il cuolm d'Alvra

Autor(en): **Gianzun, R. A.**

Objektyp: **Article**

Zeitschrift: **Annalas da la Societad Retorumantscha**

Band (Jahr): **25 (1911)**

PDF erstellt am: **16.05.2024**

Persistenter Link: <https://doi.org/10.5169/seals-188557>

Nutzungsbedingungen


Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.



Davart il cuolm d'Alvra.

Da R. A. Gianzun.



Traunter Engiadina e Bravuogn s'adoza il cuolm. Que ais il cuolm d'Alvra. Il cuolm ais grand, il cuolm ais dür, il cuolm ais nosch e malin. Seculs e seculs il cuolm ho pudieu spredscher l'umaun, e l'umaun al tmaiva. Allura füttan complieus ils temps, e gnittan il di e l'ura. E ün umaun dett il cumand dad attacher il cuolm. Ed oters ubidittan, ubidittan tschients e millis. Cunter il cuolm grand e ferm piglettan las armas: zappas e zappuns, badigls e pels d'fier, martels e scharpels, machinas da furer, puolvra e dinamit. Cun quistas armas attachettan il cuolm. Chavettan e splanettan la terra, pichettan e taglettan e furettan la peidra ed il crapp ed il crippe; nellas fouras chatschettane puolvra e dinamit, e munts e vals rimbombettan dad explosiuns: il crippe fütt sagliando e schluppanto scu vaider, nel crippe s'avrittan gallerias e tunnels. E fettan sü mürs, mürs da ciclops. E fabrichettan punts, las punts traversettan e s-chavalchettan flüms ed uvels. E fabrichettan viaducts, ils viaducts traversettan e s-chavalchettan vals e chavorgias e precipizis. Uschea ils umauns lavurettan, lavurettan da tuottas stagiuns e da tuottas uras, da sted e d'inviern, di e nott, di ed ann ed anns alla lungia, sainper inavaunt, sainza pesch e sainza pos, eroicamaing. E alla fin la via fütt glivreda: lam patet via.... E uossa ils chavals da fier della Retica muntan lung l'Alvra, lung las costas, per munts e vals; vaun in Engiadina, tuornan d'Engiadina. Ed il cuolm ais vint.

Uschea ais que uossa. Ma cu eira que avaunt?

Il cuolm s'adozaiva sü nellas nūvlas. Ed il cuolm ais nosch e malin. El so esser nosch da tuotts temps e da tuottas stagiuns. Ma el ais spezielmaing nosch d'inviern. Allura il cuolm ais il reginam dels vents e dellas strasoras, dellas furtūnas d'ora. Ils vents as s-chadagnan, els boffan e mūgian. Il tschel spanda sül cuolm naiv e naiv sainza fin: naiv e glatscha cuvernā il cuolm. Da paraits e costas as stāchan las lavignas, ellas vegnan a val cun fūergia e cun rabgia, mazzacrand e sfracaschand. Uschea il cuolm eira grand e ferm, el eira terribel. Ed ils umauns al tmaivan.

Plaun a plaun poi ils umauns piglettan curaschi. E as fettan via sur il cuolm.

Chi fett la via?

Utro, la via fütt fatta tres las legiuns da Roma.

Sur Alvra, las legiuns nun haun fatt vias.

Lò scu prüm sarò passo qualche chatscheder, giand zieva a uors e lufs e chamuotschs. Quel nun vaiva da bsögn da vias, sainza vias passaiva el tres giandas e schavos, sü e giò per cripfels e paraits.

Poi seguittan ils purs.

Al pe del cuolm, a Süd e Nord, in Engiadina ed in Val d'Alvra abitaivan purs. Quists purs vaivan muaglia. La muaglia vaiva da bsögn da pascul, ella vaiva bsögn dad alps. Las alps eiran eir sūls cuolms, eiran eir sül cuolm d'Alvra. Uschea ils purs chargettan lur muaglia sül cuolm d'Alvra, lò stadagiaivane lur muaglia. Ils purs d'Engiadina chatschaivan lur muaglia sül cuolm d'Engiadina davent. Ed ils purs da val d'Alvra chatschaivan lur muaglia sül cuolm da val d'Alvra davent. Giand in sü la muaglia faiva sas semdas e sieus truogs, e purs e pasters amel-drettan las semdas ed ils truogs. Uschea purs e pasters e scossas d'Engiadina faivan semdas e truogs d'Engiadina davent fin sül cuolm. E purs e pasters e scossas da val d'Alvra faivan semdas e truogs da val d'Alvra davent fin sül cuolm. Lò, sül cuolm pasters e scossas d'Engiadina inscuntraivan ils pasters e las scossas da val d'Alvra. E lò, sül cuolm las semdas ed ils truogs chi gnivan sü d'Engiadina inscuntraivan las semdas ed ils truogs chi gnivan sü da val d'Alvra, e las semdas ed ils truogs dellas duos varts s'univan lò. Uschea las semdas ed ils truogs

passaivan tres, d'Engiadina fin sül cuolm e da lò in giò in val
d'Alvra, e da val d'Alvra in fin sül cuolm e da lò in giò in
Engiadina, ed eira stabilieu ün passaggio. Inua cha pasters e
scossas e semdas as inscuntraivan, lò eira il tierm ed il cunfin:

«.... ir landmark für dasz Crütz uff Aelbalen....»

Vair progett d'üna Lia traunter la Part sura e Engiadina sura e suott del 1451, tar C. Jecklin, Urkunden zur Verfassungsgeschichte Graubündens, pag. 49.

Fin lò mincha part pasculaiva. E fin lò mincha part mangnaiva la via.

Quistas semdas e truogs, bastaivane?

Bastaivan per purs e pasters e scossas. Fintaunt cha passaivan il cuolm be purs e pasters e scossas, schi quellas semdas e truogs pudaivan baster, e nun eira da bsögn da fer oter.

Ma passaivan sur il cuolm d' Alvra be purs e pasters e scossas?

Per anns ed anns, sarò passo sur Alvra poch oter, e las semdas ed ils truogs varon basto. In seguit las chosas müdettan. Cumanzett a passer sur Alvra eir otra glied e otra roba. Passettan viandaunts. Uschea intuorn il 1530 passett sur Alvra Benvenuto Cellini, il grand urais florentin, instrado per Frauntscha. Lossupra el svesch scriva in sa «Vita»:

«Presi il cammino per terra di Grigioni, perchè altro cammino non era sicuro, rispetto alle guerre. Passammo le montagne dell' Alba e della Berlina; era gli otto dì di Maggio, ed era la neve grandissima. Con grandissimo pericolo della vita nostra passammo queste due montagne....»

(Vair: Vita, libro primo, XCV).

E passettan speciemaing marchadaunts.

Las semdas ed ils tfuogs, pudaivane baster eir per ils marchadaunts?

Scha füssan viaggios suletts, cun la buscha sün arains, allura magari las semdas vessan basto, e nun füss sto bsögn dad otras vias. Ma ils marchadaunts allura nun viaggiaivan suletts. Mnaivan cun se lur roba u marchanzia: Vin, seiël, furmaint, ris, sel, fier, da tuotta sort roba. E lur roba mnaivane suvenz cun se in grandas quantiteds. E la roba eira suvenz avuonda roba preziosa. Medema stuvaiva gnir transporteda in möd sgür, sainza prieveel e sainza

dann e avaria, la stuvaiva eir gnir transporteda in möd pront e speditiv. Per ün tel transport las veglias semdas ed ils truogs nun bastaivan pü. Que vulaiva bgeranzi üna via, üna vaira via, üna via chavalera u magari üna via da charr. Üna tela via stuvaiva gnir fatta. E nun bastaiva cha la vegna fatta. Ma la stuvaiva gnir refatta e cumadeda e mantgnida in bun stedi. E stuvaiva eir gnir pissero per ils mezz da transport.

Per quista via, chi vaiva da pisserer? E chi vaiva da pisserer per ils mezz da transport?

Hozindi, per la via pisserescha il chantun, e per il transport la Retica.

Allura invece, per la via vaivan da pisserer ils cumöns territoriels, sül territori dels quels as chattaiva la via. La via d' Alvra as chattaiva sün territori dels cumöns d' Engiadina sura e da Bravuogn. Uschea per la via vaivan da pisserer ils cumöns d' Engiadina sura e da Bravuogn. Medemamaing per ils mezz da transport.

Ils cumöns in che möd pisserettane per via e transport?

Lossupra nun vains in maun statüts del cumön da Bravuogn. Invece vains statüts d' Eng. sura. In prüma lingia ils statüts del 1544:

118. *De ruptura Albulae.*

.....
120. *De stagiis Albulae, Berninae et Juliae.* Statutum est, quod quicumque exciperet sive extraheret aliquas stagias positas pro indice viae Albulae, Berninae et Juliae, debeat puniri pro lib. V pro qualibet stagia et qualibet vice, et pastores sive casearii debent accusare quoscunque delinquentes et forensium bona possunt retineri pro solutione multae.

121. *De vecturis Albulae contra illos de Bergün.* Statutum est, quod quemadmodum illi de Bèrgün servant homines de communi supra Pontem Altum ex parte vecturarum, eo modo debent etiam ipsi in communi servari.

Poi ils statüts del 1665:

123. *Davart la ruotta d' Alvla paeja et stagiaer.* Circa l' ditt Cuolm ais dritzo sü Instrumaint traunter la vschinaunchia da Chiamuesch et l' Cumoen schritt tres S^r Nuder Guolf Juvalta jun. suainter la dischpositiun dall quell ambas parts s' dessen redscher et guverner.

A° 1762 a 5 Augusti in las Agnias. Cun ils Bravugnins dess gnir üso il Gegenrecht reservand convenciuns

125. *Davart stagiaer ls Cuolms.* Las vschinaunchias chi haun la ruotta dalls Cuolms sco sun Chiamuesch per Alva, Pontrasina per Bernina, Silvaplauna per Julia dessen ls ditts Cuolms cun bunas lungias et dürablas staegias stagiaer las quellas nun daja üngiünn trer sù ne piglier davent, suott paina da lb. 5 per scodüna persuna et stegia chi gnis piglieda davend. Et tuotts pastuors, u otras persunas dessan chiürer tuotts quels chi fallen et la roba da quels artegner in paiamaint dalla falla.

A° 1762 a 5 Augusti in las Agnias vain inclett suott listessa regla eir il Cuolm d'Schialeta.

In generel as pudarò dir cha ils cumöns territoriels, impe cu pisserer directamaing els svesa per vias e transports, chargettan la fatschenda adöss allas vschinaunchas territoriellas. Uschea eir per l'Alvra. Ils cumöns d'Engiadina sura e da Bravuogn scu cumöns territoriels surdettan las incombenzas relativas a via e transport sur l'Alvra almain in generel allas vschinaunchas territoriellas, chi vaivan territori lung la via d'Alvra. Quistas vschinaunchas surpiglettan ils relativs obligs, ellas surpiglettan eir ils dretts relativs. Telas vschinaunchas eiran Chamues-ch, Bravuogn, Latsch e Filisur. In prüma lingia natürelmaing Chamues-ch e Bravuogn.

Quistas vschinaunchas poi, faivane lur dovair? pisseraivane per via e transport? In generel schi — scha vaivan ün interesse landervi. Ma vaivane ün tel interesse?

Schi tschert.

Prüma la via mnaiva in pajais glieud, la mnaiva in pajais esters, viandaunts e marchadaunts. Quists esters vulaivan viver; per viver vaivane bsögn da spaisa e da bavranda. Per survgnir spaisa e bavranda stuvaivan entrer nellas ustarias. Uschea ils usters guadagnaivan üna bella munaidetta.

Meglinavaunt ils marchadaunts mnaivan cun se lur marchanzia. Quista marchanzia stuvaiva gnir transporteda. Ma cu vaiv' la da gnir transporteda? Forsa ils marchadaunts vessan pudieu la transporter cun egens chavals e cun egnas mnadüras. Ma allura quels chavals e quellas mnadüras vessan gieu da fer tuott il viedi, dal

principi alla fin. E que viedi eira lung e strapatschus. Las bes-chas nun vessan tgnieu our, nun vessan pudieu resister. In ogni möd vessane stuvieu pusser, vessan stuvieu trer fled. Uschea ils marcha-daunts vessan pers temp, e scu cha temp fingiò allura eira munaida, schi vessane pers eir munaida, vessan pudieu viagger be plaun plaunin, il viedi vess düro ün' eternited. Que nun als cunvgniva, stuvaivan chatter il möd da viagger pü spert e pü bain. Quetaunt pudaiva as fer in que möd cha gniva pissero perche cha possa gnir müdo chavals. Allura ün stab da chavals faiva be ün tschert töch via, üna staziun. Lò il stab as fermaiva, ils chavals eiran staungels, ün als s-chargiaiva, ün als mattaiva in stallazz. E gnivan mnos notiers oters chavals, chavals fras-chs, la marchanzia gniva chargeda sün quists nouvvs chavals fras-chs, e quels trottaivan inavaunt fin alla prossma staziun. Ed uschea inavaunt. Uschea ils chavals eiran saimper fras-chs, marchadaunts e marchanzias pudaivan viagger spert, guadagnaivan temp e spargnaivan rapps. Ün tel sistem da «relais» existiva per usche dir dapertuott in noss pajais, e que daspö anns ed annorums. Que ais il sistem del furled, dellas ftüras u dels portis, lat. vecturae, tud. Fuhrleite, Geleite, Rodfuhr.

Il furled gniva survaglio dals cumöns. Suott survaglianza da medems el gniva exercito u tres las vschinaunchas saja sulettas, minchüna per se, saja unidas cun otras, u tres egnas corporaziuns. L'organisaziun gniva numneda ils portis.

Vair Dum. Saira 1896, pag. 169; 1897, pag. 28.

Il furled existiva eir alla via d'Alvra. El daiva bun guadagn als ftürers u vittürins. Uschea eir in quist rapport las vschinaunchas vaivan ün interesse da pisserer per la via ed ils mezz da transport. Quist interesse las stimulaiva a fer lur dovair, onde augmenter il transit e tres quel ils guadagnns.

Las vschinaunchas interessedas al cuolm d'Alvra haun uschea pissero per la via.

La via stuvaiva gnir fatta, refatta e cumadeda.

Las dittas vschinaunchas l'haun fatta, refatta e cumadeda.

Uschea Bravuogn nel 1697 cumprett u expropriett in Avalungia terrain da pro da 6 privats per la via. Per que chi risguarda l'indennizz, Bravuogn ed ils privats gnittan perüna:

«da remetter dal tuott als 3 qui zieuva manzunos Sigrs. cun quaunt et chie chia ün Hdro Cum. als sudets Sigrs dess gnir incunter per aque ch'els traes lur pros laschen faer detta via et eir per otras gravezzas chia l's pros haun lotraes, sco ais per las saifs ch'els staun faer et a lur cuost mantegner, sco eir per tuott oter ch'els pudessen praetender»

Quels 3 Signurs fixettan poi l'indennizz in tuott a. R. 79. Privats daivan declarer scha impe dels rapps preferivan ün töch terrain. «cominaeul» in Ava lungia u utro, in que cas daiva que esser in arbitri del cumön da 'ls der que terrain. Finelmaing ils privats daivan avoir il drett da sger quels tels pros 8 dis aunz cu ils oters e da pigler laina per la saif.

Uschea Bravuogn e las otras vschinaunchas da co e da lo dell' Alvra faivan la via. La via eira via «Imperiela».

Uschea mantgnaivane eir la via, pisseraivan eir cha oters nun la dannagian. Lossupra aise da congualer il documaint No. I. Quels da Stugl u Stulch vaivan nempe la moda, cur cha scrappaivan lur pros e lur ers, da bütter la crappa simplamaing giò per las costas: bun viedi, e taunt pes per quel chi la clappaiva giò per la testa e nun vaiva medema düra avuonda. Quetaunt vaivane pratcho bgers anns. E consideraivan quetaunt scu lur bun drett. Ma quista crappa da Stugl faiva dann alla via chi passaiva suott aint. Uschea Bravuogn protestett. Stugl invece crajaiva da stuvair difender ils buns vegls dretts e las bunas veglias üsaunzas. Que dett ün process ed ün bel ed ün bun. La Bachetta da Bravuogn deciditt la lita nel senso, cha quels da Stugl dessan pudair bütter giò la crappa üna vouta all' ann ün di, cun las debitas precauziuns, e cha ils oters 364 dis dessane tgnair lur crappa cussü. Von Rechts wegen.

Supra il mantenimaint della via sun eir da congualer ils documaints III, VI—VIII.

Uschea inoltre las vschinaunchas lung la via d' Alvra melioraivan la via. Ais chapibel cha quella löng temp nun eira magnifica, que nun eira üna via maistra scu nossas vias d' hozindi. Dimperse ella eira püchöntschi manglusa. Ella eira stretta, ella eira stippa, ella eira melgualiva, co e lo passaiva ella sper precipizis, marchadaunts, mnadüras e marchanzia ris-chaivan dad ir a pichas; utro

la via eira exposta a lavinas e boudas e oters prievels. Que as trattaiva da remedier taunt scu pussibel. Las vschinaunchas haun diffatti remedio e procuro dad ameldrer la via. Rilevains specielmaing las lavurs eseguidas nel 1696. Allora Bravuogn fett ün contract cun ils meisters Peter Taescher e Peter Sur a Tusauna. In vigur da quist contract ils ditts meisters as obliettan da fer üna via dalla fuorcha u güstizia da Bravuogn davent tres il Crap vers Filisur, quista via daiva esser na memma stippa, ma bainschi «be drett pandainta, be sco chia plaun plaun üna cula da chiegiel pudess ir, u ün' ovetta traes la via currir»; inoltre quella via daiva esser largia avuonda per ch'ün possa passer cun ün charr da fain. Per quella via Bravuogn s' obliett da pajer als meisters R. 3330. Per ils detagls vair documaint VI.

Meglinavaunt las vschinaunchas segnaivan la via sur il cuolm cun staungias. L'inviern, cur cha il tschel spandaiva our sül cuolm naivs e naivs, e las naivs muntaivan saimper pü ot e cuvrivan e zuppaivan mincha stizzi da via, allura las staungias pizzaivan auncha in ajer e mussaivan al viandaunt la buna via.

Las vschinaunchas pisseraivan eir cha vegna fabricheda üna chamanna süsom il cuolm, scu refugi in furtünas d'ora. Vair documaint XIII.

In temp da naiv las vschinaunchas pisseraivan cha la via sur il cuolm vegna aviarta. Ils ruotters passaivan inavaunt cun pelas e badigls, rumpaivan la via, avrivan la via. Ils viandaunts u marchadaunts seguivan cun il stab chargio da marchanzia. S-chellas, rolls e brunzinas sclingiaivan, ed il stab passaiva inavaunt tres la naiv.

Finelmaing las vschinaunchas pisseraivan per il transport della marchanzia. Ils ftürers u condütyrs s-chargiaivan la marchanzia dals hobis e charrs, la chargiaivan sün lur hobis e charrs, e la transportaivan u «füdragiaivan» fin alla prossma staziun. Per quist transport il ftürers dels portis vaivan ün monopol, entro tscherts limits.

Vains ditt cha las vschinaunchas faivan e mantgnaivan e rum-
paivan la via e transportaivan la marchanzia. Quetaunt custaiva
rapps, las vschinaunchas ed ils ftürers vaivan spaisas. Ma vaivane
be spaisas? faivane tuott que per ünguotta? Na dal bun, que

nun füss neir sto güst. Quels tels chi profitaivan della via e dels mezz da transport vaivan buna peida da pajer qualchosa, quetaunt nun eira oter cu güst. Uschea las vschinaunchas e resp. ils ruotters ed ils ftürers pretendaivan üna peja. E viandaunts e marchadaunts pajaivan.

Gniva pajo per la ruotta.

Gniva pajo per il transport, la ftüra.

Finelmaing gniva pajo per la via. Per medema gniva pajo il zoll u weggeld.

Lossupra aise da congualer ils documaints VI, VII, X, XI ed ils excerpts seguaints:

Sentenza emanada a Zuoaz ils 23 September 1730, in causa traunter Bravuogn e Filisur:

«9. Circa lg Weggelt dalla via nouva nun dess in quell gnir innovo inguotta zainza lg consentimaint da ambas duos Vic^{cas} u la pluralitaet ciascaduna: dimperse rester sco giodieu da ambas parts sun hora, et sainza novas gravezzas, ne dess quaist artichel gnir tratt in ottras consequentias in materia da Comoen, ma rester tenor dispositiun fatta dal contract plü giedas alleguo da 1549 et lg provento da quell dess gnir compartieu suainter la ratta da ogni Vicc^a.

«12. Concernente al Cuolm d'Albula vain lascho tiers la conventiun fatta traes lg Illmo. Sigr. Guvernatore de Salis, et lg Sigr. Vicari Coradin Parin sub A° 1706 di 4 Martij in Bravuong, et declaraunza de ao 1725 Agusti, tuchiand in temp d'inviern et a via da chiarr, poassane ls da Fillissur alvaer, passaer et schiargier lur roba propria u da otters saja cun lur amnadüras o fullasteras, sainza impedimaint imaginabel, sco vain eir usito sün ottras muntagnias, et naschind nell avegnir qualche discrepantia u maelinclaet sura da dittas scrutturas o conventiuns, schi chi s'inserven dalla forma praescritta dal Judisch nell'articul No 7, cun potestet alla (vic^a) da Bravuong, in caas da suspect (nu pudiandt ls da Fillisur provaer saja roba lur) da pudair gnir via dels per lg saramaint.»

Tariffa dess Zolls zu Bergün 1759.

Für ein jedes geladen oder ungeladenes Pferd vor

Jedemahl passieren	Bluzger	1
von einem Wägeli vor aus & ein	»	6
von einem Schlitten vor aus & ein	»	5
von einem Stuck Vieh jedesmahl	»	1
von 10 Stuck Geiss oder Schaaf jedesmahl	»	1
vor die Bündtnerischen Fussgänger nichts, welche aber nicht angenommene Bündtner sind, & andere frömde von jedem jedesmahl	»	1
Ingleichen von Frömden oder so nicht Bündtner sind vor ein Pferd jedesmahl wie vor deme	»	2

Auf immer zu genießen, & zwaren mit dieser Erläuterung, dass von denen darin angesetzten Bluzger 5 allemahl bey dem ersten durchpassieren drey & bey dem andern zwei Bluzger abgeführt werden sollen.

Meglinavaunt la sentenza da Cumön Drett d'Engiadina sura suott Funtauna merla, emanada a Zuoz ils 19 December 1760 in causa Bravuogn cunter Filisur:

«Conclüda ün Hdoro Magistrat in virtigt las ante enuntiedas scrittüras chia la Vi^{tia} da Falisur saia tenuta da mantegner la streda da della istess et in speciel sine l'Crap do Steinbock cun insegna, in ultra la Vi^{tia} d'Bravuong et Latsch del Steinbock in aint infina Funtanislaz, oblig a la manutention tenor lur radschuns vicendevolaz, reserva solum la straeda tress il Crapp della Rescha sco ais steda da maisters constituida sub Ao 1696 quela Lavur da maisters fulasters dess gnir mantgnida dels partcipevels del zoll pro rata et in consequentia gnir repartieu a sieu temp il inter provento da que zoll, uschea dess seguir eir d'presente et in l'avenir, et las contributiuns dels repars fats da comoen consens dessen gnir fattas da spura volontaet et na cun retentiuns chi pudessen infringer la Chiarta da la Lia et mediante tela Explicatiun vain inclett chia la rotura del ao 56 nun siand steda fatta l'ao 96 da maisters fulastaers vegnia debitamaing recognioschieu il reparo

a d'incarico d'el Hta Vi^{tia} da Bravuong sco ottras chi pudessen accader in l'avegnir n'ils lous chi nun ais sto lavuro tress ils maisters del do Ao 96.»

Risguard al temp modern be pochas remarchas.

Nels anns 1820—26 gnitt fatta la via nouva sur Gùlia da Silvaplauna a Baiva. Medema gnitt fabricheda scu via moderna, buna, largia, commoda e sgüra. S'inclegia cha la via da Gùlia in telas circostanzas stuvaiva fer dann alla via d'Alvra, la via d'Alvra perdett da sieu trafic. Punt-Chamues-ch e Bravuogn-Latsch as occupettan della fatschenda, as dettan paina da conserver lur trafic; a quist scopo concludettan novvas convenziuns merit alla via d'Alvra. Medemas dateschan dels 21 Avuost 1828 e dels 28 Avuost 1838. Nel 1840 füttan ultimedas las lavuors della via italiauna da Coira sur Gùlia fin a Castasegna, as po incler cha la via d'Alvra as resentitt eir da quetaunt. (Dum. Saira 1895, pag. 44.) Poi dal 1855 fin al 1858 gnitt fabricheda la nouva via da Chastè a Bravuogn. In seguit as constituitt ün comitè d'ini-
ziativa per üna via nouva sur il cuolm d'Alvra; ils 5 October 1859 Signur landamma Th. Albertini dalla Punt scu president da ditt comitè entrett in trattativas cun Bravuogn e Latsch. Nels anns 1864/66 gnitt fabricheda la via nouva sur il cuolm d'Alvra.

Per detagls rinviains all'interessanta lavur da Sigr. ingen. G. Gilli: Das Strassennetz des Kantons Graubünden, 1898.

Uossa il kohli da fier della Retica passa tres il massiv dell'Alvra. E durante üna granda part dell'ann, que bel cuolm ais desert. Sic transit gloria mundi.

Laschairs seguir qualche documaints cupchos our dal Copey-
buch. Que cudesch ais l'ouvra da Peidar P. Juvalta, V. D. M., el fütt cumanzo nel 1719, el as rechatta nell'archiv da Bravuogn. Pürmemma nun ais el redatt in linguach bragonzin nett e s-chett, ma in lingua putera. Taunt pes per ils linguists.

DOCUMENTS.

I.

Sententia fatta in la quaela vain declaro chia la Vic^tia da Stul nun poassa büttaer gio crappa gio da lur Bains, comanzand la via davos Pêntsch infinna ilg Baunch d' St. Martin, arsalv' immüch' ann üna vouta.

Sub Ao 1538 die 13 Aprilis.

In nom dalg Segner. Amen. In ilg Ann 1538 die 13. Aprilis. Tgniaud Bacchietta in Bravuoing nilg loe solit, consuet e deputo ilg Prudaint hom Chrastoffel Bernhard cun ilg seis Giüros Infra-scritts Jan Kehl, Jan Fuffa, Pol dilg Dschender, Caspar della Bernhardina, Peter Toutsch, Jachian Dschieut tuots da Bravuoing, Jachian Janut, et Jan filg da Jan Pitschen da Latsch, Anthoni Brünet da Stul, Jan Sigmund ed Jan del schneder da Fallisur, schi suni comparieus avaunt ilg surscritt Giüdisch Peidar dilg Dschieut Cuvich dalla vschinaunchia da Bravouing et Jachian dilg Steivan Cuvich dalla vschinaunchia da Latsch, sco Agents in nomma dallas surscrittas Vschinaunchias ab una, mnand ün plaunt, e proponind incunter Jan Gualthier Cuvich dalla vschinaunchia da Stul et ils vschins da Stul ab altera, e que per via dalla via e straeda Imperiaela, numnaeda la Straeda e via davos Pêntsch infin' or ilg Baunch da St. Martin, nella quaela via et straeda ils vschins da Stul büttan gio crappa d'sur ingio dals lur bains, aers et pros cun grand dann et privel dalla lgieud, muaglia, da Tarraers e Fullastaers chi vaun, passan e repassan per la ditta straeda e via Imperiaela. Supra dal quel plaunt et actiun ilg Cuvich da Stul cun ils vschins dalla detta Vschinaunchia haun respondieu sco chi seque: Numnaedamaing chia ils Vschins da Stul saimper et da tuot temp haegian bütto gio crappa dals lur bains d'sur ingio vers la manzunaeda via e straeda Imperiaela, e crajan chia poassan aunch' hoatz in dy faer et exequir. Innua hauiaud ün H^{dro} Drett inclett Plaunt e Raspoasta et tuottas las otras chiossas bain prodüttas e dedüttas in examine, e pondero, schi aise cun sententzchia traes ils surscritts Giüdischs do, chia

quels vschins da Stul nun poassan ne dessan da quinder invia in aeternum büttaer gio crappa d'sur ingio dals lur Bains, aers u pros in la manzunaeda via e straeda Imperiaela, reservand ün dy per immüinch' ann, in ilg quael dy quels da Stul haegian licentia e poassan büttaer d'suringio crappa dals lur Bains, imperò sainza priuel e dann da scodüna persuna Tarraera e Fullastaera. Item ils numnos vschins da Stul sun oblios et dessan metter Guardias da tuottas duos varts da detta via, cioè dadains vard et dadoura vart, et in quel dy chia büttan d'suringio la crappa dals lur Bains, schi dess eir que dvantaer sainza chia la ditta via e straeda pitescha, et sch' ella vain cotraes ruotta e ruvinaeda, schi suni oblios da rafaer e comadaer aquella manzonaeda via e straeda. Item ils manzunos vschins da Stul sun oblios immüinch' ann da admonir et avisaer ils Cuvichs dallas Vic^{tias} da Bravuoing e Latsch in quel dy ch' els voeglian büttaer d'sur ingio la crappa dals lur Bains. Item scodüna persuna, chi nun salvess e guardess oura la surscritta sententzchia da puoinch in puoinch e d' Artichiel in Artichiel, saja crudaeda per immüinchia giaeda allas Communitaets tschinc Marchias in paina, e Chiastich, et ultra la surscritta paina e chiastich aise reservo in contschentscha d' ün H^{dro} Drett suainter ilg fall e delict commiss, et ilg Cuvich da Stul u tuotta la Communitaet da Stul dess depositaer la paina e chiastich crudo allas surscrittas Vic^{tias} Bravuoing e Latsch. Dvanto in Bravuoing in il dy et ann sco sü zura, praschaints ils surscritts Giüros, traes il Command da quels eau hae scritt.

Et eau Johannes Mathie Nudaer Public siand ruvo e retscherchio hae scritt quaista praeschainta e publica sententzchia e con il mieu signael, nom e sottoscriptiun corroboro.

II.

Instrumaint della Cufgnentscha da la Ruotta dalg Cuolm d'Alwra intraunter Chiamuaesch et Bravuoing sub Anno 1552 die 2 Februarij.

In nom dalg Segner Amen. In ilg Ann zieua sia salüdaivla Naschentscha 1552 Indictiun Nuaevla et seguond dy d' Favraer In la Punt da Chiamuaesch in chiaesa Niclo Arangyr, siand üna tschearta differentzchia intraunter la Vschinaunchia da Chiamuaesch

fadschiand in nom et cun plaina comischiun (daco chia els suessa haun refert a mi Nudaer Infrasst) da tuotta la Vschinaunchia da Chiamuaesch, numnaedamaing l's Prudaints et Discretts Hommens Gudeng Madulein, Jachian Madulain seis filg, Marchiet Nuot Curò insemmel cun bgiaers oters Assistents da ditta Vschinaunchia l'üna part: et la Vschinaunchia da Bravuoing et Latsch, per la quaela sun comparieus l's Prudaints et Discrets Hommens cun plaina et ampla commischiun da tuotta la Vschinaunchia (daco chia els haun do aint a mi Nudaer Infrasst) numnaedamaing Caspar Bernhard da que temp Mastrael in Bravuoing, Jan Schalchiett, Jan Chrastoffel, Jan del Brün da Latsch et Andrea d'la Nauna, l'otra part.

Las quaelas vidaunt manzunaedas ambas parts insemmel araspaedas unidamaing, per üna buocchia, amicabelmaing da buna amur et spontanea voluntaet sun staedas parünna, s'haun cufgnidas, conclüttas et unidas da salvaer et guardaer oura taunt quels da Chiamuaesch co quels da Bravuoing et Latsch tael cufgnientscha, daco chia quella contain qui suot, da quinder invia saimpermae, in perpetuum et aeternum, in tuots moeds, packs, artichiels, puoinchs et conventiuns, daco paeran qui suott scritts: Da la Ruotta dalg Cuolm d'Alwra.

Per il prüm: S' cuffegnen els amicabelmaing da rumper lg cuolm d'Alwra dalg temp dalla naiv per mitaet immünchia ann in aeternum. Et haun determino lur confins ourdvard u passo las travearsas u stoartas dalg surscitt cuolm d'Alwra, scumanzand in Gianda vers Chiamuaesch, cun quaista chia quels da Bravuoing et da Latsch dessan arumper da lander in gio infina a Bravuoing, cura chia vain ad esser bsoeng: sumgiauntamaing eir quels da Chiamuaesch dessan rumper ourdvard las travearsas u stoartas da ditt cuolm d'Alwra scuinananzand in Gianda vers Chiamuaesch infina la Punt da Chiamuaesch, cun quaista claera expressiun: Innua quels da Bravuoing u da Latsch u eir quels da Chiamuaesch rumpessan infina l's cuffins, in aque chia l' otra part füss absainta, et nun gniss sin ilg tearm, in aque s' hauni cuvgnieus chia ils Ruottars da quel poast chia sajan, saja da Bravuoing u da Chiamuaesch, gnind l's prüms sün l's cuffins dalla Ruotta, saja chia quels da Bravuoing u da Chiamuaesch füssen gnies l's prüms

in ils cuffins, et l'üna u l'otra part rumpess in l's cuffins, et nun chiatess l'otra part. In aque ais cufgnieu: Chia quella part chia la prüma in ils cuffins rumpess, scha quella füss da Bravuoing, et hauess ruott lg prüm in l's cuffins, et l'otra part nun gniss incunter in l's surnumnos cuffins; Chia alhura quels da Bravuoing poassan passaer infina la Punt da Chiamuaesch, et mnaer allò la ftüra zainza contradictiun da quels da Chiamuaesch: medemamaing scha quels da Chiamuaesch gnissen ils prüms in l's cuffins sco sü zura, chia poassan alhura passaer infina a Bravuoing, zainza contradictiun da quels da Bravuoing, et condür allò la ftüra, salf et arsalvo quaist: Scha quels da Chiamuaesch chiatessan ils Ruottars da quels da Bravuoing in l'Crapp alf u sü sura vers Chiamuaesch, chia ditts da Bravuoing dessan turnaer vers chiaesa, et quels da Chiamuaesch poassan pigliaer la ftüra u roba da quels chi condüan: sumgiauntamaing cura chia quels da Bravuoing chiatessen ils Ruotters da quels da Chiamuaesch intraunter l's Plauns, u plü ardaint vers Bravuoing, alhura quels da Chiamuaesch dessen turnaer, et quels da Bravuoing poassan pigliaer la roba da quels Condütyrs: Et scha l'üna u l'otra part in ditts cuffins nun s'inscuntress, u gniss incunter, alhura quella part chi vain ad esser staeda sün l's cuffins et louvs sco sü zura poassa ir da transit. Incligiand scha quels da Bravuoing gnissen infina la Craista traunter l's Plauns, alhura chia poassan scha üngiün Ruotter nun inscuntress u gnis incunter, ir infina la Punt da Chiamuaesch: sumgiauntamaing scha quels da Chiamuaesch rumpessan infina l'Crapp alf et nun chiatessan üngiün dals Ruottars da quels da Bravuoing, alhura chia poassan ir infina Bravuoing; et quels da l'ün poast u da l'oter dessen quels chi haun la ftüra pajaer las spaisas u spendi da quels Ruottars chi haun la cuolpa. Cun quaist, innua chia quels da Bravuoing condüessan la ftüra u rumpessan infina Craista traunter l's Plauns, et allò chiatessan quels da Chiamuaesch, alhura quels da Chiamuaesch sajan culpaunts da daer krüzers ses per la ftüra. Medemamaing scha l's chiatessan plü ardaint vers l's cuffins, alhura dessane pajaer suainter la ratta della via u viaedi. Sumgiauntamaing scha quels da Ch. condüessan sü ftüra, u rumpessan infina l'Crapp alf, et allò chiatessan quels da Bravuoing, alhura quels

da Bravuoing dessan daer krützers ses per la ftüra. Medemamaing scha l's chiatessan plü ardaint l's cuffins, alhura dessane pajaer suainter la ratta dalla via u viaedi. Et aquaist ais da inclyr dauard quellas persunas chi vuessan chia rumpessan ourd' vard l's cuffins, sco sü zura: uschigloe chia üngiün nun voul chia rumpan, schi nun sun els culpaunts da rumper ourdvard l's cuffins, sco sü zura.

Item Davard la mercede u Salari della Ruotta, dessen quels da Bravuoing scouder la mitaet, et aquels da Chiamuaesch eir la mittaed dalla mercede. Melgsinavaunt aise cufgnieu chia quels da Bravuoing nun dessen gnir in l' Comoen d' Engiadina ne in Chiamuaesch per ftüras: sumgiauntamaing n' eir quels da Chiamuaesch a Bravuoing per ftüras: Item quels da Chiamuaesch dessan condür las ftüras infina sü som lg cuolm innua s' disch Sü la crusch: et quels da Bravuoing poassan gnir in quel loe et mnaer u condür davend aquella roba: Ilg madem quels da Bravuoing dessan condür las ftüras infina sü som lg cuolm, sco ditt ais: Et uschea chia l' üna et l' otra part vegnia in aque loe per ditta roba. Et aquella part chi contrafadschess, chia lg salari da quels condüttyrs saja da l' otra part: Aرسالو scha qualchiün da l' ün poast u da l' otar havess da sia aegna roba, alhura quel po ir per sia roba, scha el ho üna soma, u da plü, et sia eгна mnadüra, et po chiargiaer infina chia ditta mnadüra po traer: et scha el nun ho üna soma, schi nun desse dvantaer: arsalvo chia l' ün poast a l' otter pauni gnir per lur roba, scha els haun lur aegna ftüra, a buna fe.

Item scha füß ünqualchie roba in l' ün u l' otter poast, alhura quels da l' ün u l' otter poast chi haun la ftüra dessan dir al Marchiadaunt u Condüttyr, ch'el dess admonir quels da l' otter poast et püerti chia vegnian per tael Marchiantia, in ditt loe depüto Sü la Crusch: arsalvo scha füß qualchie Marchiadaunt chi havess Marchiantia u qualchie ftüra, la quaela stuess ir da transit, per causa chia traes ilg fraid u in oter moed ilg purtess qualchie dann, alhura paun els condür da l' ün poast infina l' oter: et sumgiauntamaing eir allò in ditt poast chiargiaer roba, saimper a buna fe zainza frodt. Item dauard la mercede dallas Ruottas nun dessen dalg Punt la Zanè infina chia lur Comoen s'astenda pajaer üngiüna Ruotta: sumgiauntamaing quels da Chiamuaesch nun dessen pajaer üngiüna Ruotta: et aquels da Fallisur e Stul eir dessen

esser in quella lur cuvgnentscha cun quels da Bravuoing: arsaluo
scha füss roba da Marchiantia alhura dessan els pajaer la ruotta.

Dvanto in la Punt da Chiamuaesch, praeschaints sco sü zura.
Gudeng Nuott Jousch, et me Nodaer denges d'fe.

Et eau Dumeng Gêr da Zuotz Nudaer Public cun Imperiaela
authorithaet hae scritt aquaist public Instrumaint da cufgnentscha
et cun mieu seng et nom solits et üsos m'hae sottascritt, siand
ruvo et diligiaintamaing retscherchio da d'ambas parts mpa.

Huossa sün commoditaet dallas Htas. Vschinaunchias Bra-
vuoing et Latsch ad instantia del M^{to} M^{co} S. Mastrael Linard Köhl
da Bravuoing descritta giu del originael Rumaunsch transferieu e
vertieu del Sr. Johann Schuccan Nudaer public, da plaed in plaed
fideilmaing traes me Joh. Peitz de Camogasco Not^s publicus.
Anno 1650 die ultimo Febrij mpa.

III.

**Scrittüra inter Bravuoing et Latsch pervia dallas Spuondas
et otras chiossas, sco eir per via dilig pandrer.**

Anno 1590, die 22 Junij.

10. Concernand la Ruotta insemmel cun tuotta grauezza dilig
cuolm d'Albula taunt inavaunt chia tuottas duos d'ambas parts
nun sauessan d'amicabel s'accordaer chia la manzunaeda gravezza
sulettamaing als da Bravuoing gnis surdaeda saja schiaevd u
guadaing, schi dess el in virtüt da quaist Spruch e sententia tiers
ils lur paigs, accoards, conventiuns, Instrumaints e scrittüras sigil-
laedas, eir tuottas veglias üsaunzas sainza violaer e sminuir rastaer,
eir in virtüt da scrittüras et Instrumaints per quella causa drizzos
sü et fats, ils quels eir cun que sun cuntschieus d'esser in lur
foarza e valur.

IV.

Sentenza conc. il liber transit sur Alvra dels 25 Meg 1608.

..... in Zuotz nil solit loe da Drett, tgnand la Bacchietta
lg Magnific S. Foart a Juvaltis Giüdisch ordinari in Engadina zura
cun tuots ils seis Truaduors dell'inter Cumoen depütos
ais staeda agitaeda üna differentia intraunter ils da Bravuoing

et la Vschin. da Chiamuaesch Et ils ditts da Bravuoing dschaiven et affirmaiven ch'els hauessan piglio avaunt els per meglder lur commod et ütilitaet ün munt sü som ilg cuolm d'albula in ilg lur territori (numno Munt Salamun) da füttaer via a Pastuors fullastaers per chia quels poassan mnaer notiers las lur nuorsas, et haun sin que instantamaing giavüscho ilg transit per ilg ditt cuolm d'Albula, cioè da quella part chi ais sin ilg territori da quels da Ch., ils quaels chi s'opponivan all'incontra dschand chia mae nun haegian hagieu ilg transit per ilg surnumno cuolm, essendo passand las nuorsas fullastaeras e da Taschins per ilg lur cuolm e paschiüra chia quellas nun poassan passaer zainza ilg lur grandissem dann e praegjudici aise cuntschieu cun sententzchia chia ilg d° Munt u Cuolm d'Albula (traes ilg quael passa la via Comoena e straeda Imperiaela) dess esser aviert, et chia ils Taschins poassan passaer libramaing traes quella via e straeda Imperiaela, ma cun quists paicks chia ils vschins da Ch. haegian l'authoritaed et poassan daer ün famailg e guida per immünchia 150 nuorsas, ilg quael chi chiatscha las 150 nuorsas traes la paschiüra zieuva la via e straeda Imperiaela, accio chia la lur paschiüra nun pitescha memma grand dann, et paeja dess havair scodün famailg u guida crüzers vaing, dico kr. 20, l's quaels ils Taschins sajan oblios da pajaer, s'inclaegia aquetaunt in ilg gnir sco in ilg turnaer, secundariamaing sajan oblios ils Taschins da d'aviser duos dys avaunt vschins da Ch. auntz co intraer sin la suditta paschiüra, accio chia poassan as proveder cun famaglia u guidas per gnir avaunt al dann chi foartza pudess gnir do; per ilg teartz aise santentzchio chia ils T. sajan oblios da daer alla Vsch. da Ch. trenta crützers eir per immünchia 150 nuorsas taunt in ilg igr sco in turnaer dalla detta paschiüra da quels da Bravuoing, et que per ilg dann chi pudessen pitir sin la paschiüra d'Albula passand traes la detta via Imperiela.

V.

**Conventiun fatta inter Bravuoing et Chiamuaesch per via
dilig Cuolm d' Albula fatta sub Anno 1650, die 1 Martij.**

In nom dalg Segner Amen. Anno 1650 die 1. Martij. Ad instantia da Sigrs Covichs de Camogasco nomine dalla Vschi-

naunchia et Ml Leonard Kehl a noma da sia Vschinaunchia sun l's m^{to} Ill^{res} Sigrs Balthasar Curadin Planta Ml d'Engadina Sur Pontalta in Criminael cun sieu Lutinent depüto Sigr Foart F. Juvalta da Zuotz et ml Jan Paul Scandolaera da Samedan ml in Civil sur Fontana Merla clamos et depütos nomine dilg Comoen d'Engadina zura et ml Leonard Kehl cun els insemmal nomine dilg Comoen da Bravuoing sün almantaunza saja dals de Camogasco et da Bravuoing contra Forestiers, sco sun Malixers et oters chi suot divers praetexts füdragiaiven et füdragian las ftüras, sco eir vice versa sün almantaunza da Forestiers contra quels de Camogasco et da Bravuoing per via dal excess u grand abüss in s' salarier per las ftüras ch' ils gnivan daedas sü.

Vain uschea dals surscritts Sigrs Ml S. Balthisar C. Planta, Lutinent S. Foart F. Juvalta da Zuotz, Sigr Capo Jan Paul Scandolaera da Samedan, S. Ml Leonard Kehl da Bravuoing, in rasset saja da Forestiers chi faun condür et dals Putaers chi condüan per gnir avaunt et schivir in l'avegnir bgiaerras et tuottas alman-taunzas, sco per mantegner eir buna correspondentia et buna politia, accio chia qui zieua üngiün ultra lg dauaira nun vegnia aggrauo, Judichio et ordino:

Primo vain confirmo tuots Strattüts et conventiuns inter lg Comoen d'Engadina zura et ilg Comoen da Bravuoing.

II. Ais ordino chia quels de Camogasco nun dajen ne poassen in l'avegnir pigliaer dalla Punt infina sü som ilg Cuolm d'Albula, innua s' disch Sü la Crusch per salari da ftüras davantaig co ün crüzer e metz l'g Rüpp, dico kr. 1½ per Rüpp giand in sü; dalla Crusch infina la Punt giand in gio crützer ün per Rüpp. L's da Bravuoing alhura da Bravuoing infina al team limito sü som lg cuolm, cioe Sü la Crusch crützers trais per Rüpp, dico kr. 3 per Rüpp giand in sü: vice versa dalla Crusch infin Bravuoing gniand in gio ün crützer et metz per Rüpp dico kr. 1½ per Rp cun paick chia nun vegnia praeterieu, et chia tuotta roba vegnia mnaeda, condüta e gouernaeda indrett.

III. Chia tuots Forestiers chi haun da faer condür u mnaer robas a ftüra traes ditt cuolm d'Albula dajan et sajan culpaunts da faer daer aint la banida la saira avaunt, accio l's Ruotters sapchian da s'damaner: vice versa alhura chia ils Ruotters de

Camogasco et da Bravuoing banieus chia sun sajan culpaunts da guardaer our la banida fina als 10 huras dal dy sequaint vel circa: nun gniand alhura quels chi haun fatt daer la banida sün auntz detta hura vel circa, chia quels per intardauntza sajan culpaunts la ftüra da metza soma als Ruotters banieus. Nun gniand alhura sün il dy depüto bricchia, chia sajan culpaunts als Ruotters per que chia d'haun spatto a lur requisitiun la ftüra d'üna soma intaera. In occasiun eir chia Forestiers nun pudessan per giüsts impedimaints arrivaer al poart, et faer daer aint la banida la saira, chia l'otar dy arrivand a poart poassan faer daer aint la banida, inguael chia dvainta auntz l'g team et hura limitaeda, cioè auntz las 10. Et chia l's Ruotters sajan inguotta taunt maing culpaunts da d'ir per la ftüra limitaeda, essendo a chiaesa: nun siand a chiaesa, chia la rouda giaja inavaunt pro forma, accio üngiün nun reista intardo. Eir cha zieua las desch nun sajane culpaunts da d'ir non essendo do aint la banida avaunt.

IV. Circa da quels chi suott divers praetexts füdragiaiven las ftüras, vain ordino chia üngiün Fullastaer suot üngiün praetext chi saja suot intimatiun del saramaint nun poassa mnaer ne condürr ne vin ne otras robas chi nun sajan sias aegnas, et que chia mainan saja lur aegian, et chia mainan cun lur aegnas et proprias mnadüras per lur aegian üss et bsoeng, et bricchia per oters, ne otra mercantia, ne eir brichia lur roba cun mnadüras da d'oters, cun taela declaraunza chia que chi vain do in sü da Fullastaers da l'üna vart, daja eir gnir do giò in giò da l'otra vart.

V. Circa la ruotta ais ordino chia gniand ün qualchiün chi vuless passaer, et chia l'cuolm füss saro, chia ils Ruotters sajan culpaunts da rumper ilg cuolm, accio chia s'poassa transir ad ogni requisitiun da Merchantia et da d'oter (arsaluo però saimper la voeglia da Dieu et fortünas d'ora) et dajan alhura hauair per la Ruotta crüzers duos per üna schlieuza chiargiaeda u voeda la prüma giaeda, et per ün armaint groass ün crüzer la prüma giaeda, passand la prüma giaeda metz crützer per soma, tauntas voutas co chia s'passa dal temp chi vo la ruotta.

Dessan uschea surscritts Puoinchs gnir saluos da l'üna vard et da l'otra fideilmaing, innua alhur chia gniss praeterieu et chia nun rastess alla limita surscritta, chia a tuott aquels chi pretere-

schan in ilg minim puoinch vegnia do per immünchia giaeda seuer chiastiamaint. Actum in la Punt. Anno et die surscritt. Et a magior ratificatiun da tuot ais miss ilg sagiè del Comoen (ais resaluo sin lur bain plaschair) haun usche fatt metter l's sagiels dels Com. cioè d'Engadina zura et da Bravuoing.

Et eau Guolf a Juvaltis Nudaer Public cun authoritaet Imp. ruo hae scritt, suottascritt, e cun mieu signal solit confirmo.

VI.

Accordo e Baratt fatt intraunter ilg H^{dro} Comoen da Bravuoing ab una e Mr Petter Taescher et mr Petter Sur ab altera sub Ao 1696 die 3. Martij.

Hauind ils noass pardavaunts già avaunt bgiaers ans, sco eir Nus da temp in temp in differentes voutas piglio avaunt nus (in que chia dals chiavalaers et oters viandaunts n's gniva offert et spüert ün Waeggelt o dazzi) essendo aruvos plüs voutas par que, e sollicitos in loe dalla veglia solita, ma zuond molestusa e da tuots temps privlusa via e straeda d'Pèntsch (la quaela per la sia granda muntaeda et da druvaer zuond incommodaivla e fastidiusa ais) uschea da faer üna nouva via e straeda zuot oura traes ilg crapp dalla Giustitia in oura, e zieua l'oua, e que pü bass chia vain ad esser pussibel.

Haviand dimaena ün H^{dro} Comoen publicamaing et ordinaria- maing fatt Comoen, e piglio sü las vuschs, e sin que totaelmaing s' resolt da mnaer ad üna fin e perfectiun quaista via e straeda; uschea havains Nus accordo e patteggio cun mr Peter Taescher e mr Peter Sur tuots duos habitaunts in Tusaun e Perits Taglia e sagliainta Peidras, n's haviand quels in diversas voutas asgüro et impromiss d'ans vulair faer üna via buna, comodaivla, guidaivla e polita, schi havains quella lavur surdo a quels duos maisters in solidum, sco tael Acchüerd cun las impromissiuns, assicuratiuns, e specifichaedas conditiuns lo tiers fattas ais qui zieua miss in scritt come segue:

1. Impromettan ils sudits duos Maisters davend dalla Giustitia da Bravuoing in oura traes ilg Crapp da faer üna via dürabla vers Fillisur et la crappa da rumper et sagliantaer oura, et que tuot

a cuost, raesi e spaisa dels Maisters, et que in tael moed chia la via dalla Giustitia in oura vers Fillisur nun dess gnir fatta memma stippa da d'ir d'sur ingio, ma dess gnir drizzaeda comoda, be drett pandainta, be sco chia plaun plaun üna cula da chiegiel pudess ir, u ün' ovetta traes la via currir.

2. Impromettan ils manzunos duos Maisters quella via e straeda in ilg crap dalla faer, chiavaer e sagliantaer oura la crappa, cioe taunt laeda, largia et otha numnaedamaing in quaist moed chia s'poassa passaer traes commodamaing cun ün chiarr d'fain, mess, eir laina, sco eir cun ün chiavalg da soma chiargio sü cun ses barilgs, eir acciaio chia s'poassa passaer zainza havair privel, schi aise accordo chia ils Maisters our a sum ilg crapp u via dessan faer ün müret üna $\frac{1}{2}$ tschinquaisma in otezza et in ladezza d'ün pe a metz, allo tiers ho ün H^{dro} Comoen impromiss da daer no tiers chiutschina que ch'ilg bsoeng retscherchiess, que s'inclegia solum innua la via ais tagliaeda our d'ilg crapp, et chi sun louvs praecipitus dess quist müret gnir fatt. Melgsina-vaunt impromettan eir sudits Maisters tuottas quellas ovas chi sun alg praeschaint, sco eir chi pudessan in saglianter las peidras crescher e gnir no navaunt dallas metter suot et totaelmaing dallas mnaer our d'straeda, saja be in ilg crap d'la Raescha u utro. Per via dalla val chi ais oura somm ilg crapp d'la Raescha, e confina cun ils pros d'Ava lungia, dess ün H^{dro} Comoen hauair la letta da cumandaer als Maisters da faer d'surviva da quella üna dürabla punt d'crapp, o vero scha ilg Comoen chiatta per melg e nüzzaivel dessen ils maisters esser oblios quella vall sin giavüscher dilg Comoen dall'implir oura cun mür e crappa, e que tuot a cuost e raesi dils Maisters, in summa ils Maisters dessen esser oblios innua fo da bsoeng da rumper e sagliantaer oura peidras, da faer aque; mo la crappa chi po gnir cun maun rud-laeda oura sco eir la lavur chi po gnir fatta cun zappas e badilgs dessen ils vschins et ilg Comoen faer sainza alchiün cuost e dann dels Maisters.

3. Ais accordo chia la puolvra tiers ilg saglianter, ils Instrumaints da füerr in rumper oura, in summa tuott aque chi fo da bsoeng e sto esser tiers quaista lavur dessen tuot ils Maisters drizzaer e faer a lur cuost e spesa sainza alchiüna paina e gravezza d'ün H^{dro} Comoen.

4. Aise accordo chia s'chiapand chia l'ün da quaists duos Maisters in que temp muriss, dess l'oter Maister esser oblio in virtüt da quaist Achüerd da d'ir inavaunt cun la lavur, e faer la via, ma in caas gnissen a faer üna part vi da quaista lavur ils Maisters e nun pudessan ir inavaunt e prosequir aquella, dessan els et brichia ilg Comoen purtaer our' ils cuosts et tuot ir a lur raesi, sco chia ils Maisters per quella causa in assicuratiun haun sgiüro et impino aint la lur roba e facultäet, numnaedamaing s'inclægia da que chia ils Maisters zieva maun artschaivan.

5. Impromettan ils sudits duos Maisters quista lavur da cumanzaer in terme da 8 dys subsequaints, et alhura da landervi in terme da duos anns (cun agiüd da Dieu) quella lavur da cumplir e finir.

6. Aise accordo e baratto, taunt inavaunt chia la via vain fatta in moed sco gia fatt mentiun dals duos Maisters, sch'ils dessi gnir do e bonifichio R 3330, dico Rainschs traja milli traja tschient e trenta in monaida cursaivla da Cuira: sco al praeschaint il pajamaint da quista summa gniarò ad els assignio da scoder dall' Illmo Sigr Landamma Gubert von Salis, al quael ün H^{dro} Comoen ho vandieu las Pudistarias tenor ilg baratt per que drizzo sü clamma: Ais tschantscho giò da daer ils pajamaint in moed sequaint, numnaedamaing in commanzamaint dess a quels duos Maisters gnir do a conto tschient Philipps, accio chia poassan cumpraer que ch'ils fo da bsoeng, eir dessi ad els gnir succurriu cun danaers cura faun la lavur, e seguond chia d'haun eir bgiaers lavuraints tenor ils bsoeng retscherchia, il rimanent o il Capital grand dess ad els gnir do cura chia d'haun furnieu e complida la lavur, tenor quaist Acchüerd clamma e specifichiescha.

Et per gnir zieva a quist ferm- e schlassamaing haun ambas las parts quaist accord confirmo e corroboro cun il suottascriver a noma d'ün H^{dro} Comoen ais sto retscherchio da suottascriver ilg Noebbel, Othstimo e Sabbi Sigr Landamma Steffan N. Jochberg, hora regnante Landamma.

P. S. Ais eir accordo claer-et expressamaing cun ils sudits duos Maisters chia oura et aint in ilg crapp dessan faer la via schi laeda chia chiaradins et chiavals da soma s'inscontrand l'ün l'oter s'possan schiamgiaer gio, e daer loe l'ün a l'oter.

Essendo ils duos maisters surmanzunos nun saun scriver, schi haune fatt e miss suot las lur solitas noudas d'chiaesa.

Eau Stephan N. a Jochberg a noma d'ün
H^{dro} comoen da Bravuoing confess sco
sü zura scritt ais.

VII.

Project inter las H^{tas} Vschinaunchias Bravuoing et Fillisur davard la via d'Pêntsch sub Anno 1696 die 25 Maij.

In Nom dal Segner, Amen.

Siand noass H^{dro} Comoen da Bravuoing per diversas ponde-
rosas chiaschuns per boen chiatto da faer u faer faer üna via da
nief a cumanzaer in buocchia da Funtanislàs infin' our' alla Punt
da daintz vers Fillisur, hauiand lg Comoen do sü ad eisters
Maisters da faer que chi sto cun la puolvra gnir sagliando, et
que cha ilg Comoen po faer cun zappas e badilgs da faer sves, et
schi aise intraunter l'H^{ta} Vschinaunchia da Bravuoing et l'H^{ta}
Vschinaunchia da Fallisur u vero H^{dro}s Vschins da l'üna vard et
da l'otra per üna vouta unitamaing projecto, però saimpermae
sin platschamaint dallas dettas H^{tas} Vschinaunchias da accepter
l's sequents Puoinchs:

1. Chia H^{dro}s Vschins da Fillisur dessan de novo comanzaer
a faer üna via sufficiainta saja da schlieuza u da chiarr et sin
tuotta requisitiun per Terrers u Fullastiers da la vard d'Urmina
infina eint ilg Lavinaer da dora, et allo büttaer via üna Punt, et
faer da l'otra vard eint infin cunter la Bouva da dor ils pros
d'Ava lungia, et la via chi vo traes la Bouva, et 10 passa da
Comoen da deins dessen noassas 2 Vschinaunchias faer insemmel,
et da londer ineint infin Buocchia d'Funtanislàs dess faer la
Vschinaunchia da Bravuoing l'üna et l'otra zainza cuost da l'otra,
et cura detta via ais fatta de novo, schi quanto alla mantegner
aise conclütt chia nossa Vschinaunchia da Bravuoing dess man-
tegnier da buocchia d'Funtanislàs infina sudetta Punt, et chia
H^{dro}s Vschins da Fillisur dessan faer et mantegner la Punt, et la

via da lezza vard, o vero infina sudetta Punt dadaintz, ammünchia Vschinaunchia a lur cuost: però scha scuntress chi s'rumpess inzachie dalla via chia ils Maisters Eisters haun fatt, chia s'dess mantegner et drizzaer da cumpagnia sco eir schi füss da bsoengs da chialtschina, da daer eir da cumpagnia, et mantegner, et que in aeternum, s'inclaegia saja chi saja da metter cuost, u da daer lavuraedars, chi la H^{ta} Vschinaunchia da Fillisur dess daer la tschinchiaevla part, sco eir dalla Materia.

2. Aise conclütt, chia cura vain ad aquella chia ilg Comoen ho da metter sü, u acquistaer ün dazzi, chia quel dess gnir ammünch' ann partieu oura quia in Bravuoing in conformitaed chia vegnen partieus eir oters danaers, cioe l'H^{ta} Vic^{tia} da Fillisur la tschinchiaevla part, et que chi pudess zieva aestim gnir allas H^{tas} Vschinaunchias da Latsch et Stul, siand chia ellas nun s'haun vulieu laschaer aint da faer et mantegner detta via, schi dessen las Vic^{tias} da Bravuoing et Fillisur partir pro rata, sco supra scritt ais.

3. Dauard ilg Zoller ais conclütt, chia quel ammünch' onn dess gnir miss da sup^{tas} 2 Vic^{tias} Bravuoing e Fillisur sü lg Platz da Bravuoing ad incant, et schi scuntress chia füss ün vschin da Fillisur, chi vuless daer ilg plü, schi chia quel poassa eir traer, però cun conditium chia l'saja culpaunt quel ann da staer in Bravuoing et scoder allò, et l's Zollers saja da chie loe chi voeglian, dessan depositaer lg quind in Bravuoing in praesentia d'H^{dro} Vschins da l'üna vard et da l'otra, et chia ilg Zoller dess gnir miss in Bravuoing ammünch' onn a St. Giaegl, subito ch' ils officis dal Comoen sun luos via, et eir prender quind ilg Zoller passo, et lg Zoller oblio da depositaer ls danaers per pudair partir. Actum in Bravuoing die 25 Maij dell' Ann 1696. Projecto dall' Othstimo Sigr L. Amma Stephan N. a Jochberg cun seis H^{dro} Drett e verzequaunts Sig^{rs} Mastrael et oters H^{dro}s Vschins sco eir da parte dl' H^{ta} Vic^{tia} da Fillisur, lg S. Ml Jan Jachiam Bossi, sco Mastrael da Fillisur, Sigr Ml Paul de Casparis, S. Ml Wallentin Schmidt, et S. Ml Pol Linard, et Dieu benedescha.

P. S. Ais conclütt, chia schi füss da cumpraer oura pros per commoditaet da mnaer la via traes quels, chia que chi sto gnir

cumpro our alg Ballaling, chia la H^{ta} Vschin. da Fallisur dess
pajaer ella zainza dann della Vic^{tia} da Bravuoing, et que chi sto
gnir cumpro our in Ava Lungia dess la vic^{tia} da Bravuoing eir
pajaer saintza dann dalla vschinaunchia da Fillisur.

Marchiett P. Pol Clo scritt per commissiun
da 'ls Sigrs ut supra.

VIII.

Convenziun traunter Bravuogn, Latsch e Filisur dels 19 Gün 1696.

Anno 1696 die 19 Juny. Siond la H^{ta} Vschinaunchia da Latsch s'ho de novo accussglieda da vulair s'laschaer aint cun Bravuoing et Fillisur da giüdaer faer la nodvard scritta via, schi aise accordo chia la Vic^{ta} da Latsch saja culpaunta da giüdaer faer da noef quella Punt chia la Vschin. da Fillisur ais culpaunta tenor quaist accord da faer; cioè chia taunts lavuraedars sco Latsch ho tuots, chia taunts dess la Vschin. da Fillisur eir daer immünchia dy infina ch'l ais glivraeda da faer, et chia dess gnir fatt üna buna Punt sufficiainta cun tuots requisits chi odan lo tiers, acciò Terrers et Fullastiers possen in tuot lur adoever passaer e repassaer, et que a lod dalg Comoen, sco eir dalg Maister da detta via, et melgsinavaunt dessen ils da Latsch sulets faer da noef que tock via, chia ils da Fallisur eiran tenor quaist accord culpaunts da faer, cioè nodvard la Punt infin' aint cunter la Bova da dor ils Pros d'Ava lungia. Item da mantegner la Punt daspo fatta da noef, sco suprascritt ais, dessan ils da Fallisur els la mantegner qui zieua in perpetuo zainza dann dels da Latsch, et quel tock da dains la Punt da l'otra vard aint infin cunter la Bova dessan ils da Latsch staer cun ils da Bravuoing insemmel a giüdaer mantegner, sco eir la via chi ais da faer da noef da sup^{ta} Boua, et 10 passa da Comoen inaint, chi eira accordo chia ils da Bravuoing daivan faer, haun ils da Latsch ramiss als da Bravuoing, saja chia ils da Bravuoing l's constraintschen da faer tuot, u chie chia ad els sumaglia infin' aint cunter lg Crapp d'la raescha, imparò daspo fatta schi dess Bravuoing et Latsch mantegner da

cumpagnia infin la Buocchia da Funtanislàs, reservand, sco nodvard scritt ais, que chia ils Maisters eisters haun fatt dessan ils da Latsch cun Bravuoing et Fallisur insemmel staer alla rata da daer lavuraedars, u metter cuost; quanto al zoll daco nodvard ais fatt mentiun possen ils da Latsch traer lur portiun tenor conventiuns veglias dalg Comoen. Et quaist accoard ais fatt in praesentia dals nodvard scrittis Sigrs et H^{dro}s Vschins saja da Bravuoing u da Fallisur cun contantezza dals H^{dro}s Vschins da Latsch chi s'haun praeschantos a nom dalla lur Vschinaunchia, cioè Jacob del Brün sco da que temp Cuvì da Latsch, C. Chrastoffel Jannet, C. Peder Jannet, C. Peder Guidun, C. Jan Peder Franckin, C. Peder Clo Chiaspar.

Idem Marcus P. Pol Clo per commissiun.

IX.

Spruch e declaraunza per via dalla Ruotta intraunter ün H^{dro} Comoen da Bravuoing et la Vic^{tla} da Fallisur l'otra part sub Anno 1706 die 4 Martij.

(Da Gubert v. Salis velg Mastrael da Bravuoing.)

Per ilg prüm, ma imperò con la lotiers sequainta declaraunza confirm eau et approbesch ilg mentiono Project miss gio dalg Sigr Vicari Parin il quael da plaed in plaed uschea clamma: L's Vschins da Fallisur innua (sic) et dessan esser exempts et libbers dalla Ruotta imponida supra l'cuolm d'Albula dalla vart del Comoen da Bravuoing per tuotta la roba chia passainten traes quel cuolm per uso et benefici da lur casa, et bricchia otramaing.

Quaist puoinch ais in quist moed declaro, chia per l'uso et benefici da lur chiaesas dess gnir inclett chia ün Vschin da Fallisur poassa mnaer trais chiargias saja in vin, sael u granezza, s'inclægia chia in tuott nun dessan esser pü co 3 chiargias, innua ch'el haüess da bsoeng, et quellas zainza pajaer la Ruotta dallas condür, ma nun dess gnir druvo frodt, et ingiann, e chia s'vuless inservir da d'ün chi nun drouva vin in chiaesa e mnaer suot praetext da quel, ma s'dess proceder e trattaer honoratamaing, sincermaing e reaelmaing.

2. S' inbattand l's Ruotters da Bravuoing som 'l cuolm hauiand ils da Fallisur chiargia intaera, e vuliand daer gio üna baril o la paisa da quella, sajan oblios da pajer l'ordinari per detta condütta, et nun vuliand daer gio ünguotta, sajan oblios da pajaer la ruotta, tenor appaera la scrittüra sub dato del 1650, cioè kr. 2 per chiargia u schlieuza in summa da viver suainter quella scrittüra, imperò dessan ils Ruotters scha ad els vain do sü qualchiosa que mnaer e condür fideilmaing e sincermaing sainza metter maun al vin u roba, e caso chia s'prucess e mussess chia la roba nun gniss mnaeda inandrett, schi dessan ils Ruotters esser oblios da pajaer la roba et dans patieus, imperò reseruand la foartza da Dieu et caas da dischgratzchias.

X.

Approbatun et Confirmatiun dilg Zoll our in la Via nouva daeda dals Capos et d'alchiüns Mess dallas Eccelsas 3 Lias sub Anno 1710 die 9 Februarij.

Fadschains assavair cun quaist et in virtüt dilg praeschaint Abscheid, doppo hauair ün H^{dro} Comoen da Bravuoing in diferentes voutas fatt instantia e speciaelmaing sin ilg congress sto celebri in ilg Mais di Genaro dilg Ann 1709 passo, e cun respect e summissiun confoederela sollicito chia ad el quel Waeggelt, il quael (in resguard dels grands cuosts hagueus in faer la via nouva sub Anno 1697) ais sto concess da Comoenasterras, da scoder confirmo, et da continuaer favorieu e permiss, a tael fin e requisit ch'els haun do alhura ün speciael conto dallas lur spesas et cuosts hagueus, et l'entrada risultante dilg scoder aint, ilg che tuott ais sto scritt aint in ilg Protocoll, schi aise da quaist Lodevol Congress quaist scoder e traer aint con la sequainta moderatiun sto confirmo, chia ils viandaunts chi sun Grischuns e Pundtsleuth, et la S. H. muaglia mnüda chi oda tiers als Grischuns dessan esser libers dalla taxa et dal Waeggelt: mo ilg reist imperò sin approbatun e ratificatiun dils H^{dro}s Comoens pervia dilg scoder e traer aint confirmo, sco eir in quel scriver oura als H^{dro}s Comoens notificchio, et inguotta contrari da quels ais arrivo no tiers, sin que l'ordinatiun dilg surmanzuno Lud. Congress da continuaer

cun scoder e traer aint ilg zoll ais confermaeda, peraque schi haune sollicito con ogni reverenza confoederaela chia quaiста confirmatiun suot chiarta et sagiè ad els da Nus vegnia daeda, la quale Nus ad els doppo havair suffiziantamaing examino e pondero tuottas chiossas ais concessa e favorida, et l'hauains seguond il lur desideri communicchiaeda, chia quels in la fuorma surscritta cun ilg scoder et traer aint infina sin otra ordinatiun poassen continuaer: Dimaena per megldra affirmatiun da quaist schi aise quaist Abscheid cun ils Hts Sagiels da Comoenas Trais Lias corroboro, et ad els aint a maun sto do, et consignio. Datum in Cuir die 9. Februarij dell' Ann 1710.

Joh. Gaud^s a Castelberg, sup^s Grisei foederis
cancellarius mpa.

Gregorius Reit Foederis Cathedralis Canc^s mpa.

Andreas Sprecher foederis X Jurisd^m Canc^s mpa.

XI.

Spruch inter Bravuoing, Latsch et Fillisur pertgniand ils tearms d'urmignia u straeda, et per la portiu dils danaers dilg zoll chi pudess gnir a Stul, co quels haegian da gnir partieus. Sub Anno 1717 die 25 Augusti.

Primo chia eir la portiu da quels da Stul cioè d'via da quels da Fallisur in faer la via per terra in la prima partizun fatta saja staeda compraia. Secundo chia alla H^{ta} Vschinaunchia da Fallisur indisputabelmaing dess gnir do e pajo dal danaer dilg zoll annuaelmaing la tschinchiaevla part dalla portiu dils danaers chi tuchiaiven a quels da Stul. Per ilg teartz. All' inontra dess la H^{ta} Vic^{tia} da Fallisur in aeternum bricchia sulettamaing la lur tschinchiaevla part, dimperse eir la tschinchiaevla part ch' ils po tuchiaer a nomma dalla vic^{tia} da Stul saja da mantegnier aint in ilg crapp, et que saja da faer ilg mürr, la via o da sagliantaer oura peidras, eir da daer e mnaer no tiers chiutschigna, sablun et da chie soart d' materi chi allò tiers fo da bsoeng. In summa in tuot et pertuot in que chi haun fatt e lavuro ils Maisters Fullstaers dess Fillisur esser obliaeda sco ditt ais da daer, faer e

mantegner la lur propria tschinchiaevla part, et eir la tschinchiaevla nomine da Stul, taunt inavaunt, sco eir tuot aque chia la necessi-taet retscherchia.

XII.

Sub Anno 1718 die 15. Septembris in Bravuoing.

Haviond traes üna bouva u ruvina gnida gio, e causo chia l'Ava dilg noass Rhein ho dazippo e ruvino la via veglia chia las H^{tas} Vicinantias Bravuoing, Fallisur e Latsch s'haun consulto e resolvìs da stuair de novo faer üna nouva via dalla vard dretta oura nodvard l'ava, cun obligatiun et zainza contradictiun, chia la H^{ta} Vicinancia da Fallisur saja huossa et qui zieua obliaeda sainza üngiün dann e cuost dallas H^{tas} Vicinantias Bravuoing e Latsch da mantegner ditta via nouva infina lg praeschaint seng u nouda del noass H^{dro} Comoen, cioè ün Steinbock, jüst sur la Punt, inua ils da Fallisur in virtüt del prüm contract eiran oblios da faer et mantegner ditta via.

Eau Jan Schmidt in nomma dalla Noassa H^{ta}

Vschinaunchia da Fallisur affermo come sopra.

XIII.

Convenziun tranter ils Resp^{tis} Publigs da Bravuogn, Latsch et Ponte et Camogasco rispetto las Ftüras et Condür Robba traes la Montagnia d'Albula, fixatium da la Merceda della Vittura et merceda da la Ruotta. Fatta et stabilida il 30 Di del Mais dl Ottobre l'an 1817 in Chiesa dal Crap Alf.

1. Vain confirmo tuotas Conventziuns, Statuts et oters Docu-maints infin in ora existents et chi conzernan il Cuolm d'Alvra in tuot lur parts et foarza alla riserva da las sequentas modifica-ziums chi sum:

2. Per obvier ils abüs et discrepanzas chi ogni inviern haun do motif da displaschaivels laings et dispütas tranter ils vittürins da Bravuogn et Latsch et ils Ruoters et Pieter di Ponte et Camo-gasco, a motif dal schiargier et scouder la ruota sco eir otras

pretaisas prerogativas haun stabilieu da annuler l'artichiel secondo della convenziun del Ao 1781 dj 19 Novembris et chia nel avegnir tuots vschins et abitants da Bravuogn et Latsch chi preschainta- maing abiteschen e nel avegnir gnissen a abiter in quistas Lod^{vs} Vicinanze o territori da quellas e viceversa tuots vschins et abitants da la H^{ta} Vic. da Ponte et Camogasco chi preschaintamainch abi- teschan e nel avegnir gnissen abiter in quella o territori da quella et chi passan tres il Cuolm d'Alvra con robba, saia vin, vinarz, graneza, Siel, fier, meigl o otra mercanzia da qualunque gener o nattüra chia quella esser poassa et chia la saia sia egna o sollum in vittura dess paier ogni vouta per merceda da Ruotta senza distinctium Bluozchiars sees dico bl. 6 per ogni schlieza, saia chia quella saia chiargieda o eir be voeda, alla Vic. di Ponte et Camo- gasco et vice versa quels di Ponte et Camogasco dessen eir paier bl. 6 sco sopra alla Vic. da Bravuogn et Latsch.

3. Tuots vschins et abitants dellas Hon. vschinainchias da B. et L. et P. C., chi conduian robba egna et con lur propria mnadüra saia giand in our o eir gniand in aint poassen paiant l'antescrita ruota da bl. 6 passer con lur chiargia senza esser oblios da schiargier ünguota, per contra

4. tuots quels chi haum robba a ftüra eir chia quella saia da proprietet da vschins et abitants da sud^{te} Honte Vic^{te} saien oblios aviond be üna s. v. mnadüra et schlieza da schiargier in Plaza da la Punt o quels di P. et C. in Plaza da Bravuogn la terza part da sia chiargia inclegiand da 3 togs ün, da 6 togs duos et da lander in sü a proporzium da la chiargia sainza contradictium et lascher condir quella als Ruoters dellas Vic^{te} antedettas infin sin la plaza da la Cruscheta.

5. Tuots quels chi vaun a Vittura con las Partidas in oura üssitedas da 9 somas dessen esser oblios da lascher ir la terza chiargia chi s'inclegia 3 somas sün la rouda gniand quella condüta gio dalla Montagnia da Bernina infin a Pontresina tres ils Ruoters o vittürins da quella vicin^{ta} senza contradictium et non poassan fer gnir aint 3. vittürin o Fuorman per quella chiargia in pena da esser las otras 6 somas chia els condüjan dessen esser oblios da schiargier sollum 3 togs e na pü la terza part sco chi dispuona la Convenziun precedentia.

6. Ils Folasters chi nun sum confinants dal Cuolm d' Alvra poassen condüzant roba lur egna et per lur proprio conto passer con quella paiant per ogni gieda chia els passen sur la Montagnia bl. 10 dico desch per ogni schlieza per la merceda da la ruota, et quels chi vam con robba a vittura be con üna (s. v) mnadüra et schlieza saian oblios da schiargier la 3. part da lur chiargia eguelmainch sco spiego nell' art. 4^{to}, mo quels chi haum Partidas da nouf somas sco sopra saien eir oblios da lascher ir la terza chiargia sün la rouda, et da las otras 6 somas dessen esser oblios da eir els da schiargier sollum 3 togs et na pü la terza part sco per il passo paiant non ostante per ogni lur schlieza bl. 10 per la Ruota inclegiand chia la robba chi vain condüta tres ils Ruoters o oters vitturins di P. et C. daia gnir condita fidelmainch, senza schiargier, in fina sin la Plaza da Cruscheta, et davent da lo gnir conduta infin a B. tres ils Ruoters o da quels da la Rouda dala Vic^{tia} da B. et Latsch et vice versa gniand robba condita in aint, des gnir condita dala Cruscheta infin in la Ponte tres Ruoters o da quels dela Rouda di P. et C. et in cas chi fis da quels chi contrafessan o chi tscherchiesan da passer con chiargia intera senza vulair schiargier, et chi pudes revuschir, a ün tel sfroso poassa gniand scoperto gnir oblio sin la Plaza da la Cruscheta tres quels da B. o L. da esser colpants da schiargier la terza part da lur chiargia, o esser oblios da paier la Vittura sco scha quels ruoters da B. havessen condüt la robba chi ves stuvieu gnir schiargieda.

7. Vain di parte et sin insinuazium dels Sigrs Depütos da Bravuogn propoast als 2 Hondros Publigs interessos alla Montagnia d' Albola da fer fer a spaisa Comöna üna Chiamana sin la Plazeta da la Crusch solida et con sias 4 Pilasters d' Mügr et bain covernida et spaziusa per conpiglier in quella al main chi saia las 4 (s. v.) Mnadüras dels Ruoters chi vessen da spater sün ils oters et la glieud chi in periculusas oras per nezesited füssen constrets das retirer suot tet per propria lur salveza, et con cio da non aveir das expuoner a la trista soart da stovair per mancanza da recoverso perder lur vitta in montagnia sco mella vitta as ho ogni an la trista experienza, et que da construir quella nel corrent da la prossima sted ventura suot inspectium dals

solits Sigrs Soprastants del Cuolm et da ambas Hon^{tas} Vicinantias inpero aunz co fer fabrichier quella dessen ils Duos resp^{tve} Publigs as convgnir et stabilir il möd cu chia ils Disfurtünos chi perdessen lur vitta in quella chiamana dessen gnir condüts davent et do sepultüra, stimand chia stante quaista chiamanna des gnir fabrichieda per salveza dals Passagiers in generel et a spaisa Comöna dals 2 resp. Publigs, non saia neir da giüst chia la Vic. di Ponte et Camogasco saia oblida a las spaisas chi cotres gnisen causedas per il transpoart et sepultüra dals Moarts, be per chia la chiamana fis sün il teritori da quella, et la quela Convgnientscha dopo esser seguida et fixeda daia gnir scritta et agionta in la presenta Scritüra.

8. Et finelmaint vain ordino chia ogni resp. Vic. confinanta a la Montagna d'Albula saia tenuta et oblida da comader las vias chi condüjan sur la Montagnia, ogni ün davent da la vic. infina a sias resp. confins, et que al pü tard der principi la prosima prümavaira a la Aperta dalla Montagnia accio co tres vegnia facilito il Pass eir da temp da tarain, et eir evito exclamaziums chi da quellas varts pudessen gnir fattas.

La preschainta Convenziun accepteda et aproveda dals resp. Publigs des havair sia düreda per ans 10 dico Desch prossems a gnir et spiros chi saron quels non gniand in allura ne da l'üna part ne da lotra domando revisium dess durer da lander in via per oters Desch aque senza otra mutazium.

Per verificatium etc.

Item vain ainchia agionto üna Tarifa per la Merceda da vitture tant da lina vart co da lotra, saia con ir in sü co con gnir ingio, la quella tarifa pero daia gnir strictamente observeda tranter ils resp. Publigs in temp chia la via saia anchia practicabla con la schlieza et na servir per il temp da via da chiar cioe:

Per una Barilg d'vin dal solid pais vain fixo davent da
 la Punt in fin la Cruscheta bl. 30
 Per seial, ris, Furmaint o otra graneza dal sollit pais et
 inzüra per ogni sach bl. 30
 Otra robba in butschins pü lungs co la barilg et chiers,
 pels et oters stugs o colls discomats per ogni Rup x 3

Dala Crusch ingio infin la Punt per ogni Rip x 2
 per üna Barilg vöda similmente bl. 4
 Da la Chrusch ingio in fin a Bravuogn per ogni barilg d'vin bl. 30
 per seial, ris furm^{te} o che graneza per ogni sach dal pais
 solit bl. 30
 per seel fier et tuot otras Mercanzias chi haun la lungieza
 da la barilg x 3
 otra roba in butschins pü lungia sco sopra il tuot per rüp x 4
 da Bravuogn infin la Scheta a gnir in sü per ogni rip
 senza distinctiun. x 6
 per ogni barilg vöda per gnir in sü fin la Cruscheta . bl. 8
 per üna Banida et aruoter tant da lina vart co dal otra
 daia gnir paio fl. 1.12
 con obligo per detta suma et Ftura haviand il folaster mercanzia
 da dovair condir infin al pais chia quella conporta suanter sud^{ta}
 Tariffa.

In fede:

Joos M^s Nicolai affirmo come Supr. Dep^{to}

Nuttin Nicolai affirmo.

Paolo a Gregori affmo.

Paul Casparis affmo.

Jan Murezen Salvester Deput. sco sopra
 et scrit di commissione i. f. Nt. Publico.
 Rodolpho d'Albertini in qualited come
 sopra affirmo.

